



Universitätsbibliothek Paderborn

Qvæstiones Morales Selectiores De Lege Interna Et Externa

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

[De Lege Interna]

Beati, Gabriele

Augustæ Vindelicorum, 1729

VD18 90108957

9 An conscientia speculative dubia, in materia justitiæ, possit esse regula operandi, quando datur titulus possessionis.

urn:nbn:de:hbz:466:1-39908

Q U A E S T I O IX.

An conscientia speculatine dubia, in materia iustitiae, possit esse regula operandi, quando datur titulus possessionis.

C A S V S.

TITIUS, cum inter bona paternæ hæreditatis, sericos quosdam pannos inuenisset; de quibus dubitabat, an à Patre, mutuo suis- sent accepti; nec post debitam diligentiam, certior fieri potui- set: hoc dubio non obstante, ex ijs, vestes, & alia domus ornamenta fieri curauit. Quæritur; vtrum mortaliter peccauerit.

S V M M A R I V M .

2. *An titulus possessionis sit ratio sufficiens dubium deponendi.*
3. *Possessio generat presumptionem dominii.*
4. *Forum internum conformatur externo, & cur.*
5. *Titius, sericis pannis utendo, cum dubio, non peccauit.*
6. *Legitima Possessio, est sufficiens titulus Conscientiam dubiam deponendi.*
7. *Cur, in dubio, melior sit conditio Possidentis.*
8. *Possessio, in dubio, sufficit ad formandum iudicium certum de licto rei vsu.*
9. *Cur Possessor preferendus sit Dominus dubio.*
10. *Dubium, in inchoante possessionem, impedit bonam fidem non in Continuante.*
11. *Possessor, rem, in dubio retinendo, nulli se periculo exponit.*
12. *Possessio, vtramlibet partem reddit omnino tutam.*
13. *Dubitans de valore Matrimonij, an petere possit.*

21. *Possessor, debitam diligentiam omittens ad dubium vincendum, tenetur ad resti- tutionem.*

22. *Ante adhibitam diligentiam, re possesse vti non potest.*

23. *Post illam, vti potest; si tamen tendat Emptorum monere tenetur.*

24. *Possessionem Inchoanti, cum dubio, non fauet possessio.*

25. *Depositurus, ad quid in dubio te- neatur.*

RATIONES DVBITANDI.

CVm ex dictis constet, vnumquemque, non obstante dubio speculatio- uo, licite operari posse, quando datur ra- tio aliqua sufficiens ad illud practice depo- nendum; Quæritur, an, in materia iustitiae, titulus possessionis sit sufficiens ratio simile dubium practice deponendi, eoquè non obstante, licite operandi.

Videtur autem non esse, ideoqñ Titi- um mortaliter peccasse. Ita Adrian. 4. de restit. quest. de prescript. & quolib. 2. art.

art. 2. Sotus lib. 4. de iust. quæst. 5. art. ylt. Ledesma p. 2. quæst. 18. art. 1. d. 14. Aragon. 2. 2. quæst. 62. art. 1. tract. de Dominio.

4 Probatur primò; Quia Titius, dubitans, pannos esse mutuo acceptos, dubitauit, an essent alieni, & consequenter an eos teneretur restituere; Cùm hoc autem dubio illis licetè vt non poterat, quia exponebat se periculo vtendi re non suà, sique peccandi contra justitiam; Neque solùm operatus est cùm dubio speculatiuo, sed etiam practico.

5 Secundo, Quia, in dubiis, tutior pars est eligenda c. *Iuvenis de Sponsalibus &c. ad audientiam: de homic.* Sed tutius est restituere, quam retinere, cum in restituzione, nullum possit esse peccatum, in retentione vero esse possit. Ergo Titius dubitans, an panni essent alieni, eos restituere tenebatur; ideoque, non restituendo, sed ijs vtendo, peccauit.

6 Tertiò; Quia Titius, posito illo dubio, eos pannos saltem diuidere tenebatur cum pauperibus, si de nullo certo Domino dubitabat; Ratione enim dubij vel alius Dominus, vel Pauperes, loco illius, æquale ius habebant; Ergo, manente illo dubio, eos saltem diuidere tenebatur, vt seruaretur æqualitas ideoque, non diuidendo, peccauit.

7 Quartò; Quia, si is, qui rem aliquam in dubio possidet, cùd uti posset, sequeatur, etiam Conjugem, in dubio de valore matrimonii, eo uti posse, ideoque non tantum reddere, sed etiam petere, ratione possessionis: Consequens autem est falsum; Tum exc. Dominus; de secund. nupt. & cap. Inquisitioni, de sent. excom. Vbi expressè hoc definitur. Tum quia,

ex debiti petitione imminet periculum fornicationis, si non sit verus Coniux, Tum denique, quia, ante adhibitam diligentiam ad tollendum dubium, non licebat petere: Ergo, cum idem dubium maneat, post adhibitam diligentiam, nec post illam petere licebit.

NOTABILIA.

ADVERTENDUM est primò; Possessio-
nem, ex natura sua, esse actum, siue exercitium, imo complementum domini, tunc enim aliquis dicitur esse rei alicuius perfecè dominus, cum eam iuridice possidet. Hinc autem sit primo: vt in iure possessio bona fidei, ad certum tempus continuata, habeat vim præscribendi, hoc est, transferendi dominium rei possessæ in ipsum Possessorem. Secundò, vt habeat vim generandi præsumptionem iuris, hoc est, verisimilitudinem siue evidentem quandam probabilitatem, quod res possessa vere sit Possessoris. Sicut enim actus, connaturaliter indicat potentiam, à qua procedit, & quilibet effectus suam causam: Ita legitima possessio, est indicium dominij, Atque ita etiam statuitur in c. si Virgo: 34. q. 1. & L. 1., qui destinavit: ff. derei vindic. & L. 1. in fine C. de condit. insertis; & probat Menoch. de præsumpt. lib. 1. q. 4. Vnde Possessor bona fidei, re possessa, nunquam spoliatur, donec plene, ac evidenter probetur, ad illum non pertinere; nec ipsi incumbit onus probandi, quod res sit sua, sed alteri prætendentis; Et reg 65. de reg iuris in 6. dicitur: in dubio, siue in pari delicto, ac causa, melioreni esse conditionem possidentis. Tum quia, cum possidens habeat pro se iuris præsumptionem; quandoù delictum, vel ius, non probatur, Reus ab
I 2 solui-

solutur, & remanet in possessione suæ innocentiae, vel rei, quam possidet; tum quia Possidens, in re, quam possidet, habet non solum ins dominii dubium, sicut alius prætendens, sed præterea etiam ius certum possessionis, quod alius non habet. Hæc tamen locum non habent in possessione malæ fidei, quia hæc à iure merito reprobatur. Titulus ergo possessionis, in foro externo, est Iudici sufficiens ratio, in dubio iuris, bonæ fidei Possessori, rem possessam prudenter concedendi, & consequenter etiam ipsi Possessori, rem possessam retinendi.

9 Aduertendum est secundò. Forum internum conscientiae semper conformari externo, quando hoc, falsa præsumptione non nititur. Ratio autem est; quia, cum utrumquè Forum procedat modo humano, eo ipso, quod internum externo conformatur, rationabiliter, ac prudenter procedit; Hoc autem sufficit, vt in Foro interno, recte quis iudicet, ac operetur; Sicut enim in foro externo, inter Actorem, & Reum, est Index à Republica constitutus, vt uniuersique tribuat, quod suum est; Ita, in Foro interno, inter hominis Libertatem, ac Præceptum, sive legem, constituta est à Deo Conscientia, tanquam Index, vt uniuersique tribuat, quod suum est. Et sicut Index, in Foro externo, agitat pœnam imponendam; Ita Conscientia, in Foro interno, ad imputandam culpam; Denique, sicut in Foro externo Index per suum iudicium est regula infallibilis recte vivendi, ita Conscientia, per suum, est regula infallibilis recte operandi; Vnde, cum Forum externum cogit ad

servandum promissum, vel quid simile, etiam internum, ad idem obligat sub mortali, & cum Forum externum supplet defectum jurisdictionis, illum etiam supplet Forum internum: Et ideo hanc virtusque Fori conformitatem, tenent Bald. Authent. ingress. num. 49. cap. de Sacros. Eccl. Sotus lib. 4. de iustit. quest. 5. art. 3. Couaru. in cap. cum esses num. 7. de testam. Garzias tom. 2. de benef. par. 9. cap. 1. num. 10. Salas. quest. 21. tract. 8. disp. vnic. sect. 18. num. 166. Thomas Sanchez lib. 1. de matrim. disp. 5. nu. 20. & lib. 2. disp. 41. nu. 12. & lib. 2. in dec. cap. 10. num. 9. & lib. 2. cap. 23. num. 40. Vaszquez 1. 2. tom. 1. disp. 66. cap. 1. num. 3. Suar. de Cens. dis. 40. sec. 5. nn. 16. 10. Sanchez in select. dis. 42. n. 4. & disp. 48. num. 55. & alij plurimi ab his relati. Cum ergo titulus possessionis, in Foro externo, sit ratio sufficiens retinendi rem possessam, erit etiam in Foro interno. His positis,

RESOLVATIO.

REsp. Titium, sericis pannis vtendo, 10 cum eo dubio, nullo modo pecasse. Ita Thom. Sanch. lib. 2. matr. dis. 41. num. 12. Coninch. de Sacr. disp. 34. dub. 10. num. 93. Io. Sanch. dis. 43. nu. 12. Clavis reg. lib. 1. cap. 13. num. 13. Vaszq. disp. 66. cap. 7. num. 36. Salas 1. 2. tract. 8. disp. vnic. s. 23. num. 223. Azor. tom. 1. lib. 1. cap. 19. quest. 5. Molina tom. 1. de iust. tract. 2. disp. 35. in fine Couaru. uias reg. possessor 2. par. §. 7. num. 4.

Primò; Quia, Cum Titius, pannos 11 illos, inter bona hæreditatis, inuenisset, eos bonâ fide possidebat, Ergo eos

eos licet, non obstante dubio, retinere sibi poterat, possessio enim est sufficiens titulus conscientiam dubiam deponendi, & retentionem honestandi, eo quod, ex regula 65. de reg. Iuris in 6. in pari delicto & causa, melior sit conditio possidentis. Sed in dubio, par erat causa, quantum ad illorum pannorum dominium, par enim in eos dominium habebant, Titius, ac Dominus incertus. Ergo melior erat conditio Titij possidentis, ideoque licet eos poterat retinere.

12 Secundò, Quia ideo in dubio melior est conditio possidentis, quia, in dubio, Possessor præsumitur Dominus rei possessæ, & præsumptio iuris habetur pro veritate, donec oppositum manifestè probetur: Vnde, in Foro externo, in hoc dubio, protegitur Possessor in sua possessione, nec aliquid compellitur restituere. Sed præsumptio iuris est titulus sufficiens, ad licet retinendam, in dubio, rem possessam, & dat ius sufficiens, ad dubium speculativum practicè deponendum; est enim titulus sufficiens in Foro externo; & iudicia Fori interni, & externi diversa non sunt, nisi quando Forum externum falsa innititur præsumptioni, internum verò nouit veritatem Ergo, cum in casu res in utroque Foro sit dubia, etiam possessio erit titulus sufficiens, ad eandem rem in dubio, licet retinendam.

13 Tertiò, Quia, posità possessione, formare sibi potuit Titius iudicium practicum certum de licet pannorum retentione, ac usu, deductum, non ex dubio speculativo, sed ex certis principijs: Sic enim ratiocinari potuit. In dubio, melior est conditio possidentis, & possidens

præsumitur dominus; ideoque vti potest re possessa. Sed ego pannos possedeo. Ergo ego præsumor Dominus; ideoque illis licet vti possum. Posito autem hoc iudicio pannos retinendo, ipsisque utendo, non peccauit, habuit enim iudicium practicum certum de licito eorum usu, & consequenter regulam sufficientem ad recte operandum.

Quarto, Quia, quamvis Titius, ratione dubij, haberet æquale jus proprietatis & dominij cum Domino incerto, habebat tamen ius non dubium, sed certum possessionis. Ergo retinendo, ac possidendo, nulli fecit iniuriam, sed usus est iure suo, & consequenter non peccauit.

Neque dicas, per dubium, Titij possessionem fuisse interruptam, eo quod cessauerit bona fides, quæ consistit in hoc, quod possidens putet, rem, quam possidet, esse suam; Qui autem dubitat, hoc existimare non potest. Cessante autem possessione, iam ius utriusque partis fuisse æquale, ideoque pannos retineri non potuisse à Titio, sed cum pauperibus fuisse diuidendos.

Nam dubium, quamvis bonam fidem impedit in incipiente possidere, quia iniuste rem sibi arrogat, quam non magis existimat ad se, quam ad alium pertinere; in continuatione tamen possessionis illam non impedit, quia ad continuationem possessionis sufficit, quod ignoretur, rem esse alienam; hac enim ignorantia positâ, dum res non probatur esse aliena, semper pro possidente est præsumptio, ut dictum est. Vnde illi semper fauendum est, nec obligandus est, aliquid restituere. *Lef. lib. 2. c. 6. dub. 3.*

OBJECTIONVM SOLVTIO.

17 **A**d rationes autem in contrarium, resp. ad primam; Titium, quamus dubitauerit, pannos esse suos, non tamen dubitasse, an eos restituere teneatur; cum eos possideret; & possessio sit titulus, ac ratio sufficiens dubium speculatum deponendi, & formandi iudicium practicum certum, ut dictum est; Neque pannos retinendo, vlli se periculo magis exposuit, quam si inuincibiliter ignorasset, esse alienos; cum enim debitam adhibuerit diligentiam, dubium illad factum est æquivalens ignorantiae inuincibili. Sicut ergo si inuincibiliter ignorasset, esse alienos, nulli se periculo formaliter exposuisset, ita nulli periculo se exposuit, eos, cum illo dubio, retinendo.

18 Ad 2. In dubio pratico, tutiorem partem esse eligendam, & quando nulla datur ratio sufficiens, ad dubium praticè deponendum. At in dubio speculatio, nulla datur obligatio, partem tutiorem eligendi, quando adestit iusta causa dubium praticè deponendi, & contra illud agendi. Neque Titius, pannos retinendo, vlli iniustitiae periculo se formaliter exposuit. Quamvis enim panni, à parte rei, forsan essent alieni; optimam tamen habuit rationem illos retinendi, ijsque vtendi; Hæc autem ratio illum ab omni iniustitiae peccato excusavit, ut dictum est, parumque refert, an, à parte rei, panni essent sui, vel alterius.

19 Ad 3. Resp. posito illo dubio, Dominum incertum habuisse quidem æquale ius proprietatis cum Titio, sed non

æquale ius possessionis. Hoc autem redidit Titio licitam retentionem, ac possessionis continuationem, quandiu non constabat de certo domino.

Ad 4. Resp. Concedendo, quod dubitans de valore matrimonij, post adhibitam diligentiam, non solum reddere possit, sed etiam petere debitum, est enim Possessor bona fidei, non minus, quam Possessor cuiuscumque alterius rei: Si ergo, in alijs materijs, possessio est titulus sufficiens, vtendi re, de qua speculativè dubitatur, an sit sua, erit etiam sufficiens in matrimonio, cum post debitam diligentiam dubitatur, an alter Coniux sit suus; Neque cum tali dubio, ad illum accedendo, exponit se formaliter periculo fornicationis, cum, ratione suæ possessionis, practice non dubitet, & fornicatio sit accessus solum ad cognitam non suam. Ad c. autem **Dominus**, respondeatur, Eam definitiōnem intelligendam esse, quandiu non est adhibita debita diligentia, quamvis enim ibi ius loquatur indistinctè, ratio tamen distinguere cogit, ne bona fidei Possessor, ob dubium inuincibile, ab vsu rei suæ, in perpetuum abstinere cogatur. Ante adhibitam autem diligentiam petere non licet, quia tunc petens, fornicationis periculo se exponeret; nondum enim est Possessor bona fidei. At post adhibitam diligentiam, ratione possessionis, nulli periculo moraliter se exponit, perinde ac si ignorantia inuincibili laboraret, dubium enim, cum post adhibitam diligentiam vinci non potest, æquivalet ignorantiae inuincibili, ut dictum est.

CO-

COROLLARIA.

21 Colligitur ex dictis primò; Possidentem, si, adueniente dubio speculatio, an res possessa sit sua, omittat debitam diligentiam, ut veritatem assequatur, & ea omissio sit causa, ne veritas amplius imposterum deprehendi possit, teneri restituere, vel ei, de quo dubitat, an sit dominus, vel, eo ignoto, pauperibus, partem valoris rei, maiorem, vel minorem, pro quantitate dubij, quia possidens, per tale dubium, accedente ea negligentia culpabili, constituitur Possessor malæ fidei. Hic autem tenetur ad restitutionem, cum possessio ei non faueat. *Less. lib. 2. c. 14. d. 4. num. 23.*

22 Secundò; Possessorem, ante adhibitam diligentiam ad veritatem assequendam, teneri à rei usu, vel alienatione, abstinere, quia fraudulenta Dominum inquireret, prout tenetur, si eirem integrum conseruare non teneretur. Si tamen res, de qua dubitatur, esset equus, vel seruus, posset dubitans, dum diligentiam adhibet, eo uti, animo solvendi Domino, pretium illius usus, deductis expensis, quia in hoc Dominus non posset esse rationabiliter inuitus. *Vasqu. 1. 2. q. 66. c. 7. n. 36.*

23 Tertiò, Possessorem, post debitam diligentiam, domino non inuento, non solum licite rem retinere, ac possidere posse; sed etiam uti, eamque alienare, quia, si iuste possidere potest, nulla est ratio, ob quam, debeat ab ejus usu perpetuo abstinere; Si tamen rem, cum

hoc dubio, possessam, venderet; Emptorem, de vitio admonere tenetur, quia alias rem vitiosam venderet, tacito vitio, quo cognito, Emptor eam nunquam emisset, & ex tali emptione sequi posset Emptori damnum. *Claus regia lib. 10. tr. 2. c. 3. n. 29.*

Quarto, Possessorem, quando cœpit, ²⁴ rem possidere, dubitans esse alienam, eo quod eam emerit, vel dono acceperit, dubitans esse furtivam, si post adhibitam diligentiam, adhuc remanet dubius, teneri ad restitutionem, quia, cum non cœperit bonâ fide possidere, ei non suffragatur possessio, ut in dubio eius conditio sit melior. Non tenetur tamen integrè restituere; quia licet ei non ita suffragetur possessio, ut ratione illius possit rem integrum retinere, cum tamen, post adhibitam diligentiam, non constat esse alienam, hoc satis est, ut non teneatur rem integrum, sed solum eius partem, pro ratione dubii, restituere. *Rebell. par. 1. oblig. iust. lib. 2. de rest. quæst. 5. nu. 7.*

Quinto, Depositarium, ac Commodatarium, si dubitent, an, eorum culpa, depositum, vel commodatum perierit, & post adhibitam diligentiam, dubium vincere non valeant, non teneri ad restitutionem, quia, cum delictum in dubio non presumatur. *L. Merito. ff. pro socio: Depositarius, & Commodarius, sunt in possessione propriæ innocentiae, ratione cuius possessionis, eximuntur ab omni onere restituendi, quan- diù delictum certò non constat. Bonac. de contract. d. 1. quæst. 2. pun. 4. num. 4.*

QVÆ-